



<https://interscience.uz/>

ISSN 2181-1709 (P)

ISSN 2181-1717 (E)

SJIF: 3,546 (2020)

2022/№ 12/1

ТАЪЛИМ ВА ИННОВАЦИОН ТАДҚИҚОТЛАР

ОБРАЗОВАНИЕ И ИННОВАЦИОННЫЕ ИССЛЕДОВАНИЯ

EDUCATION AND INNOVATIVE RESEARCH

ТАЪЛИМ ВА ИННОВАЦИОН ТАД҆ҚИҚОТЛАР
ОБРАЗОВАНИЕ И ИННОВАЦИОННЫЕ ИССЛЕДОВАНИЯ
EDUCATION AND INNOVATIVE RESEARCH



№ 12/1, 2022
декабрь

Муассис:	07.00.00 – ТАРИХ ФАНЛАРИ	
Бухоро давлат университети Фан ва таълим МЧЖ	Иноятов С., Рашидов О. Ўзбек халқининг XX асрдаги фожеаси акс эттирилган китоб	7
<u>Бош мухаррир:</u> Маъмуроў Баҳодир Бахшуллаевиҷ	Иноятов С. Мунзим Бухоро Жадидларининг энг фаолларидан биридир	14
<u>Жамоатчилик кенгапси раиси:</u> Хамидов Обиджон Ҳафизович, Бухоро давлат университети ректори	Мардонов Р. Философия исламского образования и ее история в Узбекистане	25
<u>Таҳририят кенгапси раиси:</u> Махмудов Мэлс Ҳасанович	Сагатова З. Б. Туркий давлатлар ташқилотининг яратилиш тарихи хусусидаги мулоҳазалар	38
<u>Масъул котиб:</u> Акрамова Гулбаҳор Ренатовна	Qo‘ysinova F. O. Markaziy Osiyo davlatlari integratsiyasida xalqaro tashkilotlarning roli	42
<u>Техник мухаррир:</u> Давронов Исмоил Эргашевич	Usmanova G. S. Xorij tarixshunosligida istiqlolchilik harakatlari tarixini yoritishdagi yondoshuvlar	49
<u>Таҳририят манзили:</u> Бухоро шаҳар, Қ.Муртазов кӯчаси, 16-й	10.00.00 – ФИЛОЛОГИЯ ФАНЛАРИ	
<u>Телефон:</u> +998(90)744-00-22	Норов О. Лирикада модерн ифода ўзига хослиги	54
<u>E-mail:</u> eirjurnal2020@gmail.com	Tulyaganova N. F. Literary and non-literary forms of speech in english and uzbek	62
<u>Журналнинг электрон сайти:</u> www.interscience.uz	Ashurova Sh. Sh. Embodied learning activities for the classroom	68
Журнал ОАК Раёсатининг 2021 йил 30 сентябрдаги 306/6-сон Карори билан ПЕДАГОГИКА, ПСИХОЛОГИЯ, ФИЛОЛОГИЯ, ТАРИХ ФАНЛАРИ бўйича фалсафа доктори (PhD) ва фан доктори (DSc) иљмий даражасига талабгорларнинг диссертация ишлари юзасидан асосий иљмий натижаларини чоп этиши тавсия этилган иљмий нашрлар рўйхатига киритилган	Мамараимова Д. Б. Базовые критерии отбора лексического минимума английской терминосистемы туризма	74
Босишга руҳсат этилди: 20.12.2022 й. Қоғоз бичими 60x84 1/8, б/т.12,5. Буюртма рақами 12 «FAN VA TA'LIM» нашриётида чоп етилди. Бухоро шаҳар	Эшчанова Г. Э. Усовершенствование компетенций средством развития esp (английский для специальных целей) лексики студентов	81
Журнал 28.07.2021 йилда 9305 рақами билан Ўзбекистон Оммавий аҳборот воситалари давлат рўйхатидан ўтган	Andakulova N. Factors influencing second language acquisition	90
Журнал 2020 йилда ташкил топди ва 2 ойда 1 марта чоп этилди. 2021 йил ноябрь ойидан бошлаб хар ойда 1 марта ўзбек, рус ва инглиз тилларида чоп этилади	Toshtemirova S. U. Ingliz va o‘zbek tillaridagi reklamalarning qiyosiy tanqidiy tahlili	95
«Таълим ва инновацион тадқиқотлар» халқаро иљмий-ме- тодик журналидан кўчириб босиши таҳририятнинг розилиги билан амалга оширилади	Бердибекова Х. М. Ўзбек тилининг изоҳли лугатларида фалсафага оид терминларнинг статистик тавсифи.	101
Маколада келтирилган фактларнинг тўғрилиги учун муаллиф масъуллар		



Yuldasheva M. M. Structural features of auto-lexical terms in english and uzbek languages	106
Головко Ярослав В. Прецедентные имена: трудности определения и классификации	114
Raxmonova A. U. Badiiy personajlar hissiyotlarini namoyon etishda imo-ishoralar, tana harakatlariga oid leksemalarning stilistik xususiyatlari (ingliz va o‘zbek tillari materiallari asosida)	122
Murodova F. G’. Milliy ma’naviy me’ros (bolalar folklori) vositasida mактабгача yoshdagи bolalar nutqini rivojlantirishning ahamiyatli jihatlari	131
Арипова Х. А., Розикова Н. Н. Художественное воплощение темы «человек - покоритель природы» в рассказе андрея платонова «песчаная учительница»	138
Халилова Р. Р. Виртуал нутқий мулоқотнинг ўзига хос тамойиллари	146
Ботирова А. Грамматик ўқув луғатларининг электрон шаклини тил корпуси талабларига мослаш	153
Ганиева Д. С. Ўзбек тилида унли товушлар таълими тарихи	164
Atamuradova G. Sh. Boshlang‘ich sinf o‘quvchilarda o‘qish savodxonligi ko‘nikmasini shakllantirishda o‘quv topshiriqlarining o‘rnri	174
Tangatarova S. A. O‘zbek tili o‘qitishda o‘quvchining ona tiliga doir bilim va ko‘nikmalariga tayanish	182
Nusratova H. Ch. “Ona tili va o‘qish savodxonligi” fani bo`yicha yaratilgan darsliklardagi matnlarning mazmuniga qo`yilgan talablar	187

ВИРТУАЛ НУТҚИЙ МУЛОҚОТНИНГ ЎЗИГА ХОС ТАМОЙИЛЛАРИ

Халилова Рухсора Рауповна,

Бухоро давлат университети, филология фанлари бўйича фалсафа доктори, катта ўқитувчиси.

Аннотация. Нутқий мuloқot лисоний вербал воситаларининг ахборот бериш имконияти ва лисоний новербал воситаларнинг лингвистик моҳияти – грамматик тизимдаги ўрни масаласига эътибор қаратилган. Виртуал нутқий мuloқot одамларнинг мuloқотини янги даражага олиб чиқди. Виртуаллик, коммуникаторларнинг тенг ҳуқуқлилиги; гипертекст услуби каби компьютер нутқининг ўзига хос хусусиятлари ҳақида мушиоҳада юритилган. Маҳолада мuloқотни ташкил этишининг параметрларини ҳисобга олган ҳолда манзилга эътибор (оммавий ёки шахсийлаштирилган йўналиши), алоқа йўналиши, вақтингчалик йўналиши (синхрон / асенхрон алоқа), интерактивлик даражаси (адресатларнинг хабарга муносабати тезлиги), тартибга солиши (хабар шакли / мазмуни учун қатъий талабларнинг мавжудлиги) хусусида асосли фикр-мuloҳазалар билдирилган.

Калит сўзлар: нутқий мuloқot, виртуал нутқий мuloқot, мuloқot жараёни, коммуникатив майдон, форум, ижтимоий тармоқ, блог, аудио-визуал мuloқot, интернет.

КОНКРЕТНЫЕ ПРИНЦИПЫ ВИРТУАЛЬНОЙ РЕЧЕВОЙ КОММУНИКАЦИИ

Халилова Рухсора Рауповна,

Бухарский государственный университет, доктора философии (PhD) по филологическим наукам старший преподаватель

Аннотация. В статье акцентируется внимание на возможности информационных верbalных средств речевого общения и лингвистической сущности языковых неверbalных средств - их месте в грамматической системе. Виртуальное речевое общение подняло человеческое общение на новый уровень. Виртуальность, равенство коммуникаторов; наблюдение об особенностях компьютерной речи, например о стиле гипертекста. В статье делается акцент на адрес (массовое или персонализированное направление), направление общения, временное направление (синхронное / асинхронное общение), уровень интерактивности (скорость ответа получателей на сообщение), регулирование (наличие жестких требований к форме / содержанию сообщения) с учетом параметров организации связи. высказаны



обоснованные мнения.

Ключевые слова: речевое общение, виртуальное речевое общение, коммуникативный процесс, область общения, форум, социальная сеть, блог, аудиовизуальное общение, Интернет.

SPECIFIC PRINCIPLES OF VIRTUAL VOICE COMMUNICATION

Rukhsora Raupovna Khalilova,

*Bukhara State University, Doctor of philosophy philological science
(PhD) Senior Lecturer*

Annotation. The article focuses on the possibilities of informational verbal means of speech communication and the linguistic essence of linguistic non-verbal means - their place in the grammatical system. Virtual verbal communication has raised human communication to a new level. Virtuality, equality of communicators; observation about the features of computer speech, for example, about the style of hypertext. The article focuses on the address (mass or personalized direction), direction, time direction (synchronous / asynchronous communication), the level of interactivity (the speed of recipient response to the message), regulation (the presence of strict requirements for the form / content of the message), taking into account the parameters of the organization of parameters communication. reasoned opinions expressed.

Key words: speech communication, virtual speech communication, communicative process, communication area, forum, social network, blog, audiovisual communication, Internet.

Жамият аъзоларининг мулоқотини ўзаро алоқа аралашувисиз ва уларнинг бир-бирига таъсирини фикр алмашиш (ахборот бериш ва ахборот олиш)сиз тасаввур қилиш мумкин эмас. Шу сабабли «Нутқий мулоқот» деган тушунча ортиқчадай туюлади. Мулоқотнинг таркибий қисмида нутқ, фикр алмашиш, ахборот бериш мужассамлашган. Лекин нутқий мулоқот (русча: «речевое общение», инглизча: «diskurs») прагматикада кенг тарқалган атамалардан бири. Фикр баён қилиш жараёни, шубҳасиз, кўп ҳолатларда лисоний имкониятларнинг ёзма ёки оғзаки шаклда моддий воқеланиши билан боғлиқ. Лекин лисоний бирликларнинг воқеланиши билан боғлиқ бўлмаган мулоқот турлари ҳам оз эмас[14]. Шунга кўра, лисоний воситаларнинг моддий шаклда воқеланмаган мулоқот турлари нутқиз мулоқот деб баҳоланади. Анъанамизда, ҳатто шариат аҳкомларида «Сукут – аломати ризо» этик-эстетик тамойили ҳам мавжуд бўлиб, у ҳам сўзсиз мулоқотнинг бир

кўриниши сифатида баҳоланиши лозим. Ёзувчи Тилаволди Жўраевнинг «Шароит» номли ҳикоясига эътиборни қарасак:

машинада алланечук сукунат зоҳир эди. Бу асло араз, гина, ўпка, таъна, маломат сукути эмасди. Бу сукут – роз сукути эди... (Жўраев Т. Қишлоқликлар).

Яна бир намуна: Ю.Солнцеванинг «Баҳорнинг ўн етти лаҳзаси» кўп қисмли кинофильмида Берлиндаги «Элефант» қаҳвахонасида разведкачи Штирлицнинг уни қўриш учун келган хотини билан сўзсиз – тасодифан бирга ўтирган кимсалар сифатидаги – мулоқоти, учрашуви ҳам бунга мисол бўла олади. Бу мулоқот Штирлиц учун ҳам, унинг хотини учун ҳам муҳим аҳамиятга эга бўлган учрашув эди. Бу учрашув ҳар иккала томоннинг соғ-саломат, бир-бирини соғиниб қўмсаётганлиги ҳақида ахборот беради. Дарҳақиқат, бу ахборот сўзсиз – лисоний воситаларсиз берилган, қабул қилинган мулоқот эди.

Мулоқот кўп ҳолларда вербал, яъни сўз, лисоний воситалар орқали ва новербал, сўзсиз – новербал воситалар (имо-ишора, ҳар хил белги, нишона, рамз, символлар) орқали ахборот бериш билан боғлиқ бўлиб, бир-бирига таъсирига кўра вербал ёки новербал мулоқот сифатида тасниф қилинади[15].

Нутқий мулоқот деганда мулоқот жараёнида лисоний вербал ва новербал воситаларнинг (биргаликда) ҳамкорликда ишлатилиши тушунилади. Бу нутқий мулоқотнинг энг биринчи ўзига хослигидир. Масалан, «Ассалому алайкум ва раҳматуллоҳу ва баракотуху» иборасини вербал қўллаган шахс, албатта, шу вербал формулага мос маънавий-маданий савияга – тегишли ёш, насл-насад, кийим-бош, ижтимоий мавқе кабиларга эга бўлиши билан бирга, бу иборани маҳсус жест (харакат) лар билан ҳамкорликда ва маҳсус тингловчиларга нисбатангина қўллай олади. Мисол:

Шайх сўрига чиқиб, меҳмонларни икки ёнига ўтқазгач, бошланглар, деб ишорат этди. Жарчилар югуришиб, ахийлар оқсоқоли ёнига келишди: бирининг қўлида бир коса сув, бирининг қўлида чарм туздон бор эди. Оқсоқол сувга туз солиб, косани баланд қўтарди:

- Ассалому алайкум ва раҳматуллоҳу ва баракотуху!
- Ваалайкум ассалом! – жавоб берди шайх.

(Радий Фиш. Жалолиддин Румий)

Бу лавҳадан кўриниб турибдики, нутқий фаолият лисоний, этик, эстетик, миллий, маънавий-маданий, ижтимоий, каузал (сабаб, оқибат, мақсад) ва ҳоказо омиллар мажмуаси билан узвий боғлиқ. Лекин нутқий мулоқотнинг хусусий прагматик атамасини талаб қиласиган асос фақат шугина эмас – нутқий мулоқот семиотик тизимлардан фойдаланишнинг ўзига хос тури сифатида ҳам ажралиб туради. Бу хусусият нимада? Тил

қурилишига кўра семиотик система бўлса ҳам[11], у бошқа семиотик системалардан жиддий фарқ қиласди[11]. Бу фарқлардан асосийси сифатида олимлар уч хусусиятни яқдиллик билан алоҳида кўрсатадилар. Булар қутидагилар:

1. Тил қолган барча ижтимоий соҳавий семиотик системалар учун асос бўла олади. Шунинг учун тилни уларни bemalol алмаштирадиган умумий, бирламчи ижтимоий семиотик система, бош, асос система дейиш мумкин.

2. Тилда бошқа барча семиотик системалардан фарқли ўлароқ белгида ифодаловчи ва ифодаланмиш орасидаги боғланиш асимметрик дуалистик табиатлидир. Бир шакл/ифодаловчи бир неча мазмун/ифодаланмиш билан алоқадор бўлиши билан бирга, бир хил мазмун/ифодаланмиш ҳар хил шакл/ифодаланмиш билан боғлиқ бўлиши мумкин[4].

3. Тил белгилари ўз-ўзидан ривожланиш хусусиятига эга.

Тил рамзлари учун онтологик (табиатан) хос бўлган бу хусусиятлар нутқий фаолият учун хос бўлмайди. Айрим тадқиқотчилар «мулоқотда белги бўлмайди»[10] дея мулоқот жараёнини, жумладан, нутқий мулоқотни семиотик тизимдан четга чиқарадилар. Ҳақиқатан ҳам, нутқий мулоқотда лисоний белгиларда ижтимоийлик маълум даражада сўнган бўлади. Мулоқотда бўлган шахслар умумижтимоий рамзларни тушуниб олишга шартланган бўлишлари мумкин. Бу хусусият, асосан, арго ва жаргонларда, терминларда ёрқин намоён бўлади[6,10,13,17].
Масалан,

Хужра эшиги тақиллаши билан Махсум сўздан тўхтади.

– Хўш! – деди Ҳайит эшикка қараб. Бу Бухоро мадрасалари истилоҳича, «Марҳамат, кираверинг» деган гап эди. Аммо тақиллатувчи бу сўзнинг маъносини тушунмаган бўлса керак, эшикни очмасдан тақорор тақиллатди.

– Марҳамат, кираверинг! – деди хужра эгаси. (Айний С. Дохунда.)

Асарда хўш, марҳамат, кираверинг каби бирликларнинг антоними ҳам қўлланилган:

Ош ейилиб бўлгач хужра эшиги тақиллади.

– Рухсат йўқ, парҳез! – деди Бўри.

– Мен – мадраса сўфиси, – деди тақиллатган киши, – мадраса дарвозаси олдига бир дохунда келиб, Исомиддин махсумни сўрайяпти, ўшани олиб келдим.

– Хўш, дохундани қолдир. Ўзинг қайтиб кет! Рухсат йўқ, парҳез! – деди яна Ҳайит. (Айний С. Дохунда.)

Мадраса одати бўйича хужра эшигини тақиллатган киши қабул қилинmasa, парҳез сўзи билан жавоб берилар эди (парҳез сўзининг

асл маъноси «диета» – «маълум турдаги овқатларни емаслик»). Агар у киши қабул қилинса, хўш овози эшигилса-да, эшикни яна тақиллатиш мадрасадаги ана шу жаргон сўзнинг маъносини тушунмаслик билан боғлиқ.

Нутқий мулоқот (НМ)да рамзнинг рамзли эканлиги ҳам анчагина шартли. У маълум бир жамият учун тайёрлиги, мажбурийлиги ва умумийлигини юқорида кўриб ўтган мисолдагидек маълум даражада йўқотган бўлиши ҳам ёки бошқача мазмун-моҳият касб этган бўлиши ҳам мумкин.

Нутқиймулоқот, биринчидан, мазмун, моҳият, мақсад, шаклвашароит жиҳатдан жуда турлича бўлади. У тасодифий, режалаштирилмаган (масалан, кўчада учрашиб қўришиш ва саломлашиш ҳамда чойхонадаги тасодифий коммуникантлар орасидаги сухбат каби) ва мақсадли, пухта режалаштирилган (масалан, аудиториядаги илмий маъруза, телевизор/радио орқали бериладиган махсус мақсадли сухбатлар) кўринишларда воқеланади.

Мулоқотнинг яна шундай бир кўриниши борки, уни “виртуал нутқий мулоқот” деб аташ мумкин. Ахборот технологиялари ривожланиши билан турли хил глобал мулоқот имкони пайдо бўлди. Интернет пайдо бўлиши билан воситачилик алоқалари сезиларли даражада ошди, маълумотларни узатишнинг ҳар хил усуллари пайдо бўлди. Чунончи, электрон почта хабарлари, форумлар, ижтимоий тармоқлар, блоглар, чатлар ва бошқалар[7]. Виртуал нутқий мулоқот одамларнинг мулоқотини янги даражага олиб чиқади. Бу эса катта ҳажмдаги маълумотларни сақлаш ва узатиш, он-лайн мулоқт қилиш, аудио-визуал мулоқот каналларидан фойдаланиш имконини бермоқда. Виртуал нутқий мулоқот бошқа мулоқот турларидан фарқли ўлароқ кенг миқёслидир.

Виртуал нутқий мулоқотнинг ўзига хос хусусиятлари қуйидагилар: виртуаллик - номаълум сухбатдош билан мулоқот қилиш қобилияти; «масофада» туриб ахборот алмашиш қобилияти; коммуникаторларнинг тенг ҳукуқлилиги; гипертекст услуби; махсус белгилар (кулгичлар) ёрдамида ҳиссиётларни ифодалаш; ундов ва савол белгиларини тақорор қўллаш, бир хил ҳарфни тақорор ишлатиш, қўпол сўзлар ўрнига юлдузча белгиларидан фойдаланиш, матнда кўпинча қисқартмалар ишлатиш.

Виртуал сухбат қуйидагича тавсифланиши мумкин: 1) мулоқотнинг оммавий характеристи; 2) алоқа йўналиши: кўпдан кўпгача; 3) синхрон алоқа; 4) хабар олувчига хабар беришнинг ўртacha тезлиги; 5) хабар шакли ва мазмунига қатъий талабларнинг йўқлиги. Бугунги кунда янги электрон мулоқот муҳити шаклландик, бундай коммуникацион хизмат икки хил усулда амалага оширилади: бевосита (РС, чат) ва билвосита



муроқот (электрон почта, форум, телеконференция)[1,2,5].

Бевосита коммуникацион хизмат усулидан бири бу – чат. У муроқотни таъминлаб берувчи дастурий таъминот бўлиб, реал вақт тизимида Интернет тармоғи орқали хабарларни тезкор алмашиш воситасидир. Форумга нисбатан чат тизимида муроқот қилиш ва хабарлар алмашиш реал вақт тизимида содир бўлади. Чат сўзи инглиз тилидан олинган бўлиб, «дўстона сұхбат, ҳангома» - электрон сұхбатлар, реал вақтдаги компьютер муроқоти каби маъноларни англатади. Чат-бу бир вақтнинг ўзида бир неча фойдаланувчининг Интернет орқали муроқотидир[5]. Бунда фойдаланувчилар Интернет орқали сўзлашади, яъни матн ёзишиш орқали янгиликлар билан алмашади, бирор мавзуни муҳокама қиласи ёки ўзаро гаплашади. Бундай виртуал коммуникатив майдонда барча фойдаланувчилар ўзаро ёзув кўринишидаги хабарларни алмашиш орқали муроқот қиласи. Виртуал коммуникатив майдонда нутқий дискурс деганда икки ёки ундан ортиқ фойдаланувчиларнинг бир вақтни ўзида, бир-бирлари билан интернет тармоғи орқали муроқот ўрнатиши, фикр алмашиши тушунилади. Виртуал коммуникатив майдонда фойдаланувчиларнинг жойлашув ўрни, яъни фойдаланувчилар қаерда бўлиши аҳамиятли эмас. Фақат қўйидаги маҳсус дастурлардан бир бўлиши шарт: Скайп, Мейл Агент, Google Talk, ICQ каби. Виртуал коммуникатив жараёнда микрофон ва эшлишиш қурилмасини компьютерга улаган ҳолда ва дастурлар ёрдамида фойдаланувчилар сўзлашиб муроқот қилишлари мумкин.

Чат ҳам оддий нутқий муроқот каби уч таркибий қисмдан иборат: муроқотни бошлаш, муроқотни сақлаш ва муроқотни якунлаш каби. Фойдаланувчи ўзбек тили чатининг виртуал муроқот маконида ўз борлигини ифодаловчи тил ва прагматик қоидаларига асосланиб муроқотни амалга оширади.

Хулоса қилиб айтадиган бўлсак, кишилар ўртасида оғзаки ва ёзма шакллардаги ўзаро муроқот масалалари файласуфлар, социологлар ва тилшунослар томонидан қайта-қайта кўриб чиқилиши, нутқий муроқот назариясининг пайдо бўлиши ва янада ривожланишига олиб келади. Жаҳон компьютер тармоғи турли этник ва маданий жамоалар вакиллари ўртасида муроқот учун янги имкониятлар эшигини очиб берар экан, Internet тилшуносликда тил ва маданият муаммосини ёритиб бериш юзасидан илмий тадқиқотларни янада чуқурлаштириш зарурати мавжудлигини тақозо этади.

Фойдаланилган адабиётлар рўйхати:

- Галичкина, Е. Н. Компьютерная конференция в системе жанров компьютерного общения. Межвузовский сборник научных трудов - Саратов: Изд- во «Научная книга», 2003. - Выпуск 9. - С. 276-280.

2. Демьянков, В. З. Интерпретация, понимание и лингвистические аспекты их моделирования на — М.: Изд-во Моск. ун-та, 1989.- 172 с.
3. Жичкина, А.Е. Социально-психологические аспекты общения в Интернете <http://floqiston.ru/projects/articles/strateqy.shtml>.
4. Карцевский С. Об асимметричном дуализме лингвистического знака // Звегинцев В.А. История языкознания в очерках и извлечениях. Ч.II. –Москва: Просвещение, 1965. –85 с.
5. Кремлева, С. «ЧАТ» как разновидность виртуального общения // <http://sociology.extrim.ru/dip/start.htm>
6. Лошманова Л.Т. Жаргонизированная лексика в бытовой речи молодёжи 50-60-х годов. Автореф.дисс...канд.филол.наук. –Ленинград, 1975.-С.57-59.
7. Овчарова, К. В. Электронный дискурс: общая характеристика // Лингвистическая организация дискурса: функциональные и содержательные аспекты : Межвуз. сб. тр. молодых ученых. — Краснодар, 2004. - Вып.1. - С. 108-113.
8. Миртожиев М.,Махмудов Н. Тил ва маданият.— Тошкент: Ўзбекистон, 1992.— 110 б.
9. Мўминов С.М. Ўзбек мулоқот хулқининг ижтимоий-лисоний хусусиятлари:Филол.фан.д-ри. ... дисс. –Тошкент, 2000. –Б. 198-204.
10. Почепцов Г.Г. О месте прагматического элемента в лингвистическом описании // Прагматические и семантические аспекты синтаксиса. –Калинин: КГУ, 1985. –С. 12-18.
11. Солнцев В.М. Язык как системно-структурное образование. – Москва: Наука, 1971. –С. 95.
12. Соссюр Ф. Труды по языкознанию. –Москва: Прогресс, 1977. –С. 52.
13. Стратен В.В. Арго и арготизм. – В сб.: «Труды комиссии по русскому языку». –Ленинград, 1931.-С.91-98
14. Тоирова Г.Этносоциопрагматика ёки прагматиксоциолингвистика ҳақида. БухДУ илмий ахбороти. 2008, № 1. –Б.53-55.
15. Тоирова Г. Нутқий мулоқотнинг лисоний вербал ва лисоний новербал воситалари хусусида (саломлашиш мисолида). БухДУ илмий ахбороти. 2018, № 1. –Б.67-74.
16. Формановская, Н. И. Речевой этикет и культура общения. - М.: Высшая школа, 1989. - 415 с.
17. Киличев Э. Бадиий тасвирининг лексик воситалари. –Тошкент: Фан, 1982. –Б. 43-53.